Tarikh Dibaca: 17 FEB 2023M I 26 1444H



# KHUTBAH JUMAAT

## Tajuk:

"ISRAK MIKRAJ; AMANAH DAN TANGGUNGJAWAB SOLAT"

\*\*\*

Terbitan:
Unit Khutbah
Bahagian Pengurusan Masjid
JABATAN AGAMA ISLAM SELANGOR



## "ISRAK MIKRAJ; AMANAH DAN TANGGUNGJAWAB SOLAT"

أَشْهَدُ أَنْ لَا إِلَهَ إِلَّا اللَّهُ وَحْدَهُ لِاَ شَرِيكَ لَهُ وَأَشْهَدُ أَنَّ مُحَمَّدٍ مُحَمَّدًا عَبْدُهُ وَرَسُوْلُهُ. اَللَّهُمَّ صَلِّ وسَلِّم عَلَى سَيِّدِنَا مُحَمَّدٍ مُحَمَّدًا عَبْدُهُ وَرَسُوْلُهُ. اَللَّهُمَّ صَلِّ وسَلِّم عَلَى سَيِّدِنَا مُحَمَّدٍ وَعَلَى اللَّهُ وَاللَّهُمَّ صَلِّ وسَلِّم عَلَى سَيِّدِنَا مُحَمَّدٍ وَعَلَى اللهِ وَصَحْبِهِ وَالْهُمَعِيْنَ.

أَمَّا بَعْدُ، فَيَا أَيُّهَا الْمُسْلِمُونَ! اِتَّقُواْ اللَّهَ! أُوْصِيكُمْ وَإِيَّايَ بِتَقْوَى اللهِ فَقَدْ فَازَ الْمُتَقُونَ. قَالَ اللَّهُ تَعَالَى:

َيۡ آَٰیُهَا ٱلَّذِینَ ءَامَنُواْ ٱتَّقُواْ ٱللَّهَ حَقَّ تُقَاتِهِۦ وَلَا تَمُوتُنَّ إِلَّا وَأَنتُم مُّسۡلِمُونَ ۞ 2

#### Muslimin yang dirahmati Allah sekalian,

Marilah kita tingkatkan ketakwaan kehadrat Allah SWT dengan menunaikan segala perintah-Nya serta meninggalkan segala larangan-Nya, semoga kita beroleh kejayaan di dunia dan di akhirat.

<sup>&</sup>lt;sup>1</sup> Al-Israk: 1.

<sup>&</sup>lt;sup>2</sup> Ali-Imran : 102.



Bersempena memperingati peristiwa Israk dan Mikraj, khatib ingin mengajak para jemaah sekalian untuk sama-sama menghayati khutbah pada hari ini yang bertajuk "ISRAK MIKRAJ; AMANAH DAN TANGGUNGJAWAB SOLAT."

#### Hadirin Jumaat yang dikasihi Allah sekalian,

Di antara perkara yang sangat penting ketika Nabi SAW diisrak mikrajkan ialah perintah menunaikan solat fardu. Pada mulanya, Allah SWT telah memberikan wahyu kepada baginda Nabi SAW supaya menunaikan solat fardu lima puluh waktu sehari semalam. Seterusnya baginda SAW bersabda: "Maka, aku pun turun dan bertemu Nabi Musa AS, lalu dia bertanya, 'Apakah yang telah difardhukan oleh Tuhanmu kepada umatmu?' Aku menjawab: "Solat lima puluh waktu'. Nabi Musa pun berkata, 'Kembalilah kepada Tuhanmu dan mintalah keringanan kepada-Nya kerana umatmu tidak akan mampu melaksanakannya. Sesungguhnya aku pernah menghadapi Bani Israel dan masak dengan sifat mereka'. bersabda: "Maka, aku kembali kepada Tuhanku Baginda pun seraya berkata, 'Wahai Tuhanku, berilah keringanan kepada umatku'. Lalu Allah pun mengurangkan lima waktu solat daripadaku'.

Demikianlah baginda Nabi SAW terus berulang alik antara Allah SWT dan Nabi Musa AS, sehinggalah Allah berfirman: 'Wahai Muhammad! Sesungguhnya ia adalah lima solat fardhu sehari semalam. Setiap solat akan dilipatgandakan sepuluh kali ganda. Maka, itulah lima puluh solat fardhu. Dan barangsiapa yang berniat untuk melakukan satu kebaikan, tetapi dia tidak melakukannya, akan dicatat baginya satu kebaikan. Jika dia melaksanakannya, maka akan dicatat baginya sepuluh kebaikan. Sebaliknya barangsiapa yang berniat ingin melakukan satu



kejahatan, tetapi dia tidak melakukannya, tidak akan dicatat baginya sesuatu apa pun. Lalu jika dia mengerjakannya, maka akan dicatat sebagai satu kejahatan'."

(Riwayat Muslim).

Setelah selesai semua perkara itu, Rasulullah kembali bertemu dengan Jibril Alaihissalam, lalu mereka turun ke bumi sampai ke Baitul Maqdis. Lalu baginda naik Buraq dan diiringi oleh Jibril. Kemudian kembali semula pada pagi-pagi hari sebelum fajar.

#### Hadirin Jumaat dirahmati Allah,

Perintah Solat adalah nikmat yang paling besar daripada peristiwa Israk dan Mikraj. Solat adalah sebagai hubungan dengan Allah. Detik munajat kepada Allah SWT sepatutnya solat bersifat sempurna. Tersisih daripada alam kebendaan, nafsu syahwat dan fitnah, agar tertumpu sepenuhnya kepada zat Tuhan. Sehinggakan dapat merasakan kelazatan ujud di sisi Tuhan. Solat itu merupakan tunggangan Buraq seorang mukmin menembusi lapisan-lapisan langit yang bertingkat-tingkat menuju Allah Taala.

Antara syarat diterima solat ialah merendahkan diri kepada kebesaran Allah, menjauhi sifat takabbur, ujub dan dusta, berkasih-kasihan, hormat menghormati sesama manusia, sentiasa bertaubat, mengingati Allah, menyayangi orang-orang miskin, Ihsan dan banyakkan sedekah, bahkan membantu serta meringankan beban orang-orang yang ditimpa bencana.

Sebenarnya orang yang solat itu digolongkan kepada beberapa golongan. Antaranya, pertama: Menzalimi diri-iaitu orang yang mengerjakannya dengan tidak sempurna. Kedua: Menjaga dan



memelihara waktu, tetapi tidak mengawal nafsunya. Ketiga: Memelihara waktu, batas, dan rukun serta menolak was-was dan melawan musuh (solat dan berjihad). Keempat: Menyempurnakan segala hak solat zahir dan batin. Kelima: Menyempurnakan segala hak solat zahir dan mengawal hati.

Solat yang sebenar adalah sebagaimana yang dilakukan oleh Rasulullah SAW. Hadis daripada Malik bin al-Huwairith Radiallahuanhu bahawa Rasulullah SAW bersabda yang bermaksud:

"Sembahyanglah kamu sebagaimana kamu lihat aku sembahyang".

(Riwayat al-Bukhari).

Jadikanlah solat itu solat yang dapat mencegah diri daripada perkara keji dan mungkar.

Firman Allah SWT dalam surah al-Ankabut ayat 45:

"...dan dirikanlah sembahyang (dengan tekun); sesungguhnya sembahyang itu mencegah dari perbuatan yang keji dan mungkar."

Dalam kitab "Muniyatul Musolli" menjelaskan solat itu ada yang zahir dan yang batin. Zahirnya ialah : al-Fatihah, rukuk, iktidal, dua sujud, duduk antara dua sujud, tahiyyat, dan salam, perkara-perkara sunat dan syarat-syaratnya. Manakala yang batin dan sangat dituntut ialah khusyuk, hadir hati, ikhlas, tazallul (merasa kehinaan diri), memahami makna bacaan, tasbih dan lain-lain lagi.

Hadirin Jumaat yang dirahmati,



Solat mempunyai kesan besar. Antaranya membentuk kejujuran bermuamalah, menunaikan amanah, pergaulan yang baik, berakhlak, mengutamakan orang lain, menahan diri dari menyakiti orang lain, mewujudkan kasih sayang walau dimana-mana sahaja.

Solat itu adalah tiang agama. Kesan solat pula ialah melatih diri supaya sentiasa bersih, melatih tenang, melawan sifat terburu-buru, melahirkan individu berjiwa besar, melazimi takut hanya kepada Allah, menanam rasa malu, menyucikan jiwa dan akhlak, menjaga waktu, bergaul dengan orang yang baik, hidup penuh kejujuran, ikhlas dan berilmu.

#### Hadirin Jumaat yang dirahmati,

Antara peristiwa yang diperlihatkan kepada nabi SAW ketika Israk dan Mikraj iaitu diperlihatkan golongan yang mengumpul kayu api, tidak mampu dipikul namun ditambahnya lagi, bandingan manusia yang tidak menyempurnakan amanah, walaubagaimanapun dia menerima amanah sepertimana yang diriwayatkan oleh al-Baihaqi dalam Dala'il al-Nubuwwah. Negara Islam yang bertamadun sudah semestinya ada pentadbiran dan penjawat awamnya. Sekiranya mereka menjalankan tugas dengan amanah, akan terlaksanalah cita-cita membangunkan dan memajukan umat Islam. Sebaliknya kalau mereka cuai dan tidak melaksanakan tanggungjawab mereka dengan amanah atau tidak aktif maka samalah seperti orang yang sudah tidak upaya memikul kayu api tetapi ditambah lagi bebanannya. Ini tidaklah bererti umat Islam disuruh lari dari tanggungjawab, tetapi mengukur dirinya supaya berada di tempat yang selayaknya. Satu perkara jika diserahkan kepada orang yang tidak berkelayakan, maka akan menemui kemusnahan.



Firman Allah SWT dalam surah al-Anfal ayat 27 yang bermaksud:

(Juga) janganlah kamu mengkhianati amanat-amanat yang dipercayakan kepadamu, sedang kamu mengetahui".

#### Hadirin yang dikasihi Allah SWT sekalian,

Sebagai penutup khutbah hari ini, marilah sama-sama kita hayati pengajaran berikut:

- 1. Israk dan Mikraj adalah ujian kepada keimanan dan pengabdian kepada Allah.
- 2. Umat Islam terutamanya para pemimpin hendaklah menjaga solat, amanah dan tanggungjawab dengan sempurna supaya terhindar balasan azab neraka Allah jika mengkhianatinya.
- 3. Umat Islam hendaklah memelihara hak dan amanah terhadap harta dan anggota tubuh badan terutamanya mulut dan juga memelihara serta melatih keluarga istigamah mengerjakan solat.

"Dan perintahkanlah keluargamu serta umatmu mengerjakan sembahyang dan hendaklah engkau tekun bersabar menunaikannya. Kami tidak meminta rezeki kepadamu, (bahkan) Kamilah yang memberi rezeki kepadamu dan (ingatlah) kesudahan yang baik adalah bagi orang-orang yang bertakwa."



(Surah Taha: 132).

بَارَكَ اللهُ لِيْ وَلَكُمْ فِي الْقُرْآنِ الْعَظِيْمِ، وَنَفَعَنِيْ وَإِيَّاكُمْ بِمَا فِيْهِ مِنَ الآيَاتِ وَالذِّكْرِ الْحَكِيْمِ وَتَقَبَّلَ مِنِيْ وَمِنْكُمْ بِمَا فِيْهِ مِنَ الآيَاتِ وَالذِّكْرِ الْحَكِيْمِ وَتَقَبَّلَ مِنِيْ وَمِنْكُمْ تِلاوَتَهُ، إِنَّهُ هُوَ السَّمِيْعُ الْعَلِيْمُ.

أَقُولُ قَوْلِيْ هَذَا وَأَسْتَغْفِرُ اللهَ الْعَظِيْمَ لِيْ وَلَكُمْ وَلِسَآئِرِ اللهَ الْعَظِيْمَ لِيْ وَلَكُمْ وَلِسَآئِرِ الْمُسْلِمِيْنَ وَالْمُسْلِمَاتِ، فَاسْتَغْفِرُوْهُ إِنَّهُ هُوَ الْغَفُورُ الرَّحِيْمُ

### KHUTBAH KEDUA

Hadirin yang dirahmati Allah sekalian,



Marilah sama-sama kita bertakwa kepada Allah SWT dengan melakukan ketaatan kepada-Nya dan menjauhkan diri daripada perbuatan keji dan maksiat.

إِنَّ ٱللَّهَ وَمَكَيِكَتَهُ ويُصَلُّونَ عَلَى ٱلنَّبِيِّ يَاأَيُّهَا ٱلَّذِينَ ءَامَنُواْ صَلُّواْ عَلَى ٱلنَّبِيِّ يَاأَيُّهَا ٱلَّذِينَ ءَامَنُواْ صَلُّواْ عَلَيْهِ وَسَلِّمُواْ تَسْلِيمًا ۞

اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِيْنَ.

اَللَّهُمَّ اغْفِرْ لِلْمُسْلِمِیْنَ وَالْمُسْلِمَاتِ وَالْمُؤْمِنِیْنَ وَالْمُؤْمِنَاتِ الْأَحْیَاءِ مِنْهُمْ وَالْأَمْوَاتِ، إِنَّكَ سَمِیْعٌ قَرِیْبٌ مُجِیْبُ الدَّعَوَاتِ وَیَا قَاضِيَ الْحَاجَاتِ. اَللَّهُمَّ أَعِزَّ الْإِسْلاَمَ وَالْمُسْلِمِیْنَ، وَالْمُسْلِمُ وَالْمُسْلِمِیْنَ، وَالْمُسْلِمِیْنَ، وَالْمُسْلِمِیْنَ، وَالْمُسْلِمِیْنَ، وَالْمُسْلِمِیْنَ، وَالْمُسْلِمُ وَالْمُسْلِمِیْنَ، وَالْمُسْلِمِیْنَ وَالْمُسْلِمِیْنَ، وَالْمُسْلِمِیْنَ وَالْمُسْلِمُ وَالْمُسْلِمِیْنَ وَالْمُسْلِمِیْنَ وَالْمُسْلِمِیْنَ وَالْمُسْلِمِیْنَ وَالْمُسْلِمِیْنَ وَالْمُسْلِمِیْنَ وَالْمُسْلِمِیْنِ وَالْمُسْلِمِیْنَاتِ والْمُسْلِمُ وَالْمُسْلِمِیْنَاتِ وَالْمُسْلِمُونِ وَالْمُسْلِمُوا

اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَبِيِّكَ الْأَمِيْنِ، وَنَسْأَلُكَ بِأَسْمَآئِكَ الْحُظْمَى، أَنْ تَحْفَظَ بِعَيْنِ بِأَسْمَآئِكَ الْحُظْمَى، أَنْ تَحْفَظَ بِعَيْنِ عِنَايَتِكَ الرَّبَّانِيَّةِ، وَبِحِفْظِ وِقَايَتِكَ الصَّمَدَانِيَّةِ، جَلاَلَةَ مَلِكِنَا الْمُعَظَّمِ، سُلْطَان سلاغُور، سُلْطَان شَرَفُ الدِّين مَلِكِنَا الْمُعَظَّمِ، سُلْطَان سلاغُور، سُلْطَان شَرَفُ الدِّين ادريس شاه الحاج ابن المرحوم سُلْطَان صَلاَحُ الدِّين عبد العزيز شاه الحاج. اَللَّهُمَّ أَدِمِ الْعَوْنَ وَالْهِدَايَةَ وَالتَّوْفِيْقَ، العزيز شاه الحاج. اَللَّهُمَّ أَدِمِ الْعَوْنَ وَالْهِدَايَةَ وَالتَّوْفِيْقَ،



وَالصِّحَّةَ وَالسَّلامَةَ مِنْكَ، لِوَلِيِّ عَهْدِ سلاغُور، تعْكو أَمِير شَاه ابْنِ السُّلْطَان شَرَفُ الدِّين ادريس شاه الحاج، فِيْ أَمْنٍ وَصَلاَحٍ وَعَافِيَةٍ بِمَنِّكَ وَكَرَمِكَ يَا ذَاالْجَلالِ وَالإِكْرَامِ. اللَّهُمَّ أَطِلْ عُمْرَهُمَا مُصْلِحَيْنِ لِلْمُوَظَّفِيْنَ وَالرَّعِيَّةِ وَالْبِلاَدِ، وَبِلِّغْ مَقَاصِدَهُمَا لِطَرِيقِ الْهُدَى وَالرَّشَادِ.

Ya Allah! Kurniakanlah petunjuk kepada kami untuk mendirikan solat fardu lima waktu secara berjemaah, menunaikan zakat melalui Lembaga Zakat Selangor, mewakaf harta melalui Perbadanan Wakaf Selangor dan menginfakkan harta pada Tabung Infak Jariah Umat Islam Selangor (TIJARI) dan kepada anak-anak yatim melalui Yayasan Islam Darul Ehsan (YIDE).

Jadikanlah kami antara hamba-Mu yang menjaga amanah. Kuatkan iman kami agar menjauhi perbuatan khianat serta jauhkan kami termasuk dalam golongan yang mengabaikan tanggungjawab dan jauhi negeri dan kami daripada kehancuran disebabkan perbuatan rasuah. Serahkan tanggungjawab memimpin negara kami kepada hamba-Mu yang amanah dan jujur serta tegas lagi berani menegakkan kebenaran dan melaksanakan keadilan berlandaskan syariat. Jadikanlah Ya Allah masjid dan di Negeri Selangor rumah-rumah-Mu surau vang aman, mempersatukan dan menjadi nadi kekuatan ummah.



اَللَّهُمَّ يَا دَافِعَ الْبَلَاءِ، إِدْفَعْ عَنَّا هَذَا الْوَبَاءَ وَالْبَلَاءَ وَالْبَرَضَ وَاللَّهُمَّ يَا وَالشَّدَائِدَ وَالْبِحَنَ، بِلُطْفِكَ يَا لَطِيْفُ إِنَّكَ عَلَى كُلِّ شَيْءٍ وَالْبِحَنَ، بِلُطْفِكَ يَا لَطِيْفُ إِنَّكَ عَلَى كُلِّ شَيْءٍ قَدِيْرٌ وَبِالْإِجَابَةِ جَدِيْرٌ.

رَبَّنَا هَبُ لَنَا مِنْ أُزُوَ جِنَا وَذُرِّيَّتِنَا قُرَّةَ أَعُيُنِ وَٱجْعَلْنَا لِلْمُتَّقِينَ إِمَّامًا. رَبَّنَا ءَاتِنَا فِي ٱلدُّنْيَا حَسَنَةً وَفِي ٱلْآخِرَةِ حَسَنَةً وَقِنَا عَذَابَ ٱلنَّارِ ۞.

عِبَادَ اللّهِ، إِنَّ ٱللَّهَ يَأْمُرُ بِٱلْعَدُلِ وَٱلْإِحْسَنِ وَإِيتَآيٍ ذِي ٱلْقُرْبَىٰ وَيَنْهَىٰ عَنِ ٱلْفَحْشَآءِ وَٱلْمُنكرِ وَٱلْبَغْيُ يَعِظُكُمْ لَعَلَّكُمْ تَذَكَّرُونَ

9.

فَاذْكُرُواْ اللهَ الْعَظِيْمَ يَذْكُرْكُمْ وَاشْكُرُوهُ عَلَى نِعَمِهِ يَزِدْكُمْ، وَاشْكُرُوهُ عَلَى نِعَمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللهِ أَكْبَرُ وَاللَّهُ يَعْلَمُ مَا تَصْنَعُونَ.